

**228** lands til framhaldsnáms í húsmæðrafræðslu erlendis, enda hafi þær kynnt sig að  
12. des. áhuga og dugnaði við námið í skólanum. Nú sækja engar námsmeyjar skólans um styrk úr sjóðnum til framhaldsnáms erlendis, og má þá verja þeim hluta vaxta sjóðsins, sem til útborgunar kemur, til þess að styrkja eina eða fleiri af stúlkum þeim, sem nám stunda í skólanum. Stúlkur, sem lokið hafa námi í Kvennaskólanum í Reykjavík og nám stunda í Húsmæðrakennaraskóla Íslands, skulu, að öðru jöfnu, sitja fyrir styrkveitingu, hvort heldur er til framhaldsnáms erlendis eða á meðan þær stunda nám í skólanum.

6. gr.

Umsóknir um styrk úr sjóðnum ber að senda formanni úthlutunarnefndar fyrir 20. febrúar ár hvert. Úthlutun á styrk skal fara fram fyrir 10. marz hið sama ár, þegar um styrkúthlutun er að ræða. Eigi má veita sama styrkþega styrk oftari en þrisvar sinnum.

7. gr.

Sjóðinn ber að efla með framlögum frá nemendum Húsmæðrakennaraskólans. Þá má og efla hann með minningargjöfum.

8. gr.

Leggist Húsmæðrakennaraskóli Íslands niður um skemmri eða lengri tíma, skal ávaxta höfuðstól sjóðsins samkvæmt 4. gr., þangað til skólinn eða hliðstæð stofnun tekur aftur til starfa, og skal sjóðsnefnd hans annast þá ávöxtun.

9. gr.

Leita skal staðfestingar forseta Íslands á skipulagsskrá þessari.

**229** Staðfesting forsetans á skipulagsskrá fyrir „Landkynningarsjóð Íslands“, útgefin  
19. des. á venjulegan hátt að mandatum af dómsmálaráðherra 19. des. 1952.  
Skipulagsskráin er þannig:

## SKIPULAGSSKRÁ

### fyrir Landkynningarsjóð Íslands.

1. gr.

Sjóðurinn heitir „Landkynningarsjóður Íslands“. Tilgangur hans er að kynna Ísland og íslenzka menningu erlendis. Stofnfé hans er eitt þúsund krónur, og tekjur hans eru arður Landsútgáfunnar h. f. samkvæmt lögum þess félags og þau framlög önnur, er sjóðnum kunna að áskotnast, svo og tekjur af ráðstöfunum sjóðsins, sbr. 3. grein.

2. gr.

Stjórn sjóðsins skipa fimm menn, og er formaður Landsútgáfunnar sjálfkjörinn formaður sjóðsins, en varaformaður félagsins varaformaður hans. Auk þessara tveggja manna skulu eiga sæti í stjórninni: einn fulltrúi Tónskáldafélags Íslands eða annars félags íslenzkra listskapenda eða Menntamálaráðs Íslands eða annarrar menningarstofnunar ríkisins, einn fulltrúi Ferðaskrifstofu ríkisins eða annarrar íslenzkrar ferðaskrifstofu, er annast landkynningu erlendis, svo og einn fulltrúi íslenzks útflutningssambands, er selur íslenzka framleiðslu til annarra landa.

Óski þessir aðilar ekki að tilnefna fulltrúa í sjóðstjórn fer tilnefning þeirra

fram á stjórnarfundi Landsútgáfunnar, þannig að sem bezt sé gætt áhugamála aðiljanna. 229

19. des.

Árlega skal einn ofangreindra þriggja fulltrúa ganga úr stjórninni, fyrstu tvö árin eftir hlutkesti, en síðan eftir starfsaldri. Stjórnarmenn skipa sér varamenn í forföllum. Fundur sjóðstjórnar er lögmatúr, ef auk formanns eða varaformanns eru mættir tveir aðrir stjórnarmenn.

## 3. gr.

Stjórnin má ráðstafa vöxtum sjóðsins og árlega allt að því helmingi af höfuðstólnum. Stofnfé sjóðsins má þó eigi skerða. Stjórnin skal árlega efna til fjársófnunar eða happdrættis eða annarrar fjáröflunar til ágóða fyrir sjóðinn. Reikningar sjóðsins skulu árlega lagðir fram endurskoðaðir á aðalfundi Stefs.

## 4. gr.

Leita skal staðfestingar forseta Íslands á skipulagsskrá þessari.

## REGLUGERÐ

230

22. des.

um breyting á reglugerð nr. 107 5. ágúst 1949, um vöruhappdrætti Sambands íslenzkra berkla sjúklinga.

Samkvæmt lögum frá 26. nóv. 1952 verða eftirtaldar breytingar á reglugerðinni frá 1. janúar 1953:

## 1. gr.

Flokkar happdrættisins verða 12 í stað 6 áður.

## 2. gr.

Verðmæti vinninga samanlagt verður kr. 2 400 000.00. Orðin „stighækkandi“ í 2. málsgrein 6. gr. fellur niður.

## 3. gr.

Verð ársmiða verður kr. 120.00.

## 4. gr.

9. grein orðist svo:

Um vinninga í 1. flokki skal dregið 10. janúar og í 2. flokki 5. febrúar og síðan 5. hvers mánaðar eða næsta virkan dag á eftir, ef þessa daga ber upp á helgidag.

*Fjármálaráðuneytið, 22. desember 1952.*

**Eysteinn Jónsson.**

*Sigr. Klemenzson.*